

## Песнь 2-я стихословится **ТОЛЬКО ВО ВТОРНИК**

**В**онми, нéбо, и возглаго́лю, и да слышит земля глаголы́ у́ст мойх.

**Д**а чаёт яко дождь вещáние мое, и да снiдут яко роса глаго́ли мой.

**Я**ко туча на трóскот, и яко иней на сéно, яко íмя Господне призва́х, дадите вели́чие Богу на́шему.

**Б**ог, íстинна дела Его, и вси путиé Его сýд.

**Б**ог верен, и несть неправды в Нем: пра́веден и преподо́бен Госпо́дь.

**С**огреши́ша, не Того чада порóчная: рóде строптiвый и развращéнный, сия ли Господеви возда́ете.

**С**ии лю́дие буй и не мýдри: не Сам ли Сей Отец Твой стяжа́ ты, и сотвори́ ты, и созда́ ты?

**П**омяните дни вéчныя, разумéйте лета рóда родóв.

**В**опроси отцá твоего, и возвестит тебе, старцы́ твоя, и рекýт ти́.

**Е**гда разделя́ше Вышний язы́ки, я́коже разсея́ сыны ада́мовы.

**П**оста́ви пределы язы́ков по числу Ангел Бóжиих, и бысть часть Госпо́дня, лю́дие Его Иаков, у́же насле́дия Его, Изра́иль.

**У**довли́ его в пусты́ни, в жа́жди зноя в безво́дне.

**О**бы́де его, и наказá его, и сохрани́ его яко зеницу́ óка.

**Я**ко орел покры́ гнездо́ свое, и на птенцы́ сво́я возжелé.

**П**ростéр криле́ свои, и при́ят я, и подъя́т я на раму своéю.

**Г**оспо́дь един вожда́ше я, и не бе с ними бо́г чýждь.

**В**озведе́ я на си́лу земли́, насы́ти я жит сéльных.

**С**са́ша мед из ка́мене, и елéй от тверда ка́мене.

**М**асло кра́вие, и млеко óвчее, с ту́ком агнчим и óвним, сынóв ю́нчих и ко́злич, с ту́ком пшени́чным, и кровь гроздову́ пия́ху вино́.

**И** яде́ Иа́ков, и насы́тися, и отвéржеся возлю́бленный.

**У**ты́, утолсте́, расшире́: и оста́ви Бо́га сотво́ршаго его, и отступи от Бога Спа́са своегó.

**Прогне́ваша** Мя о чужди́х, и в ме́рзостех своих преогорчи́ша Мя́.

**Пожроша** бесовóм, а не Богу, богóм, ихже не ве́деша, но́ви и секра́ти преидо́ша, ихже не ведеша отцы́ их.

**Бога** ро́ждшаго тя оста́вил еси и забы́л еси Бо́га пита́ющаго тя́.

**И** виде Госпо́дь, и возревно́ва и раздражи́ся за гнев сынов их и дще́рей,

**И** рече: отвращу лице́ Мое от них и покажу́, что будет им напоследок.

**Я**ко род развраще́н есть, сы́нове, имже несть ве́ры в ни́х.

**Тии** раздражи́ша Мя не о Бо́зе, прогне́ваша Мя во и́долах свои́х:

**И** Аз раздражу́ я не о язы́це, о язы́це же неразу́мливе прогне́ваю я́.

**Я**ко огонь возгори́тся от я́рости Моея́, разжже́тся до ада преиспо́днягó:

**С**неет зéмлю и жи́та ея, попалит основа́ния го́р.

**С**оберу́ на них зла́я, и стрелы́ Моя сконча́ю в ни́х:

**Та́юще** гла́дом, и снeдь птиц, и горб неисце́лен.

**З**убы звере́й послю́ в ня, с я́ростию пресмыка́ющихся по земли́.

**От** вне обезча́дит я меч, и от хра́мов их стра́х: ю́ноша с де́вою, ссущее с совершенным ста́рцем.

**Р**ех: разсе́ю я, уста́влю же от человек па́мять их.

**А**ще не за гне́в врагов, да не долголе́тствуют, и да не налягут супоста́ти.

Да не реку́т: рука наша высока́, и не Госпо́дь сотвори сия́ вся́.

Яко язык погуби́вый советъ есть, и несть в них худо́жества.

Не смы́слиша разумѣти: сия́ вся́ да прииму́т во грядущее лѣто.

Како поженѣтъ единъ тысящи, и два двѣгнета тьмы́,

Аще не Бог отда́ст я, и Госпо́дь преда́ст я?

Не суть бо бо́зи их, яко Бог наш: врази же наши неразу́мливи.

От виногра́дов бо Содо́мских виноградъ их, и розга́ их от Го́морры:

Гроздъ их – гроздъ же́лчи, гроздъ го́рести ихъ.

Ярость зми́ев – вино их, и ярость а́спидов неисцѣльна.

Не сия ли вся собра́шася у Мене, и запечатлѣшася в сокрови́щах Моихъ?

В день отмщѣ́ния воздам, во время внего́да соблазнится нога́ ихъ.

Яко близъ день поги́бели их, и предстоятъ гото́вая вамъ.

Яко сѹ́дит Госпо́дь лю́дем Своимъ, и о рабѣхъ Своихъ умоленъ бѹ́дет.

Ви́де бо я разсла́бленны, и истаявша во вре́мя, и изнемо́гша.

И рече́ Госпо́дь: где суть бо́зи их, ихже упова́ша на ня; ихже тукъ жертв их яды́сте, и пия́сте вино трѣ́б ихъ;

Да воскрѣ́снут и помо́гут вамъ, и будутъ вамъ покрови́тели.

Ви́дите, ви́дите, яко Аз есмь, и несть Богъ ра́зве Мене́.

Аз убью́, и жи́ти сотворю́: пора́жу и Аз исцелю́, и несть, иже и́змет отъ руку Мою́ю.

Яко воздвѣ́гну на небо ру́ку Мою́, и клену́ся десни́цею Мою́ю, и реку́: живу́ Аз во ве́ки.

Яко поострю́ яко мо́лнию мечъ Мой, и при́метъ судъ рука́ Моя́:

**И** воздам мечь врагѡмъ, и ненави́дящимъ Мѧ́ воздамъ.

**У**пою стрѣлы Моя от крове, и меч Мой снѣсть мясá.

**От** крове я́звенныхъ и пленѣния, от глав князей язы́ческихъ.

**Возвеселі́тесь**, небеса́ купно с Нимъ, и да поклѡ́нятся Ему вси Ангели Бѡ́жии.

**Возвеселі́тесь**, язы́цы, с людьмі́ Его, и да укрепя́тся Ему вси сынове Бѡ́жии.

**Я**ко кровь сынѡв Своихъ отмщáет и отмстѣ́тъ, и воздаст мечь врагомъ и ненави́дящимъ Его́ воздаст.

**И** очиститъ Господь землю людѣй Свои́хъ.

**ИРМОС 1-го КАНОНА ТРИОДИ.**

**Слава Тебе Боже наш, сла́ва Тебе. 1-й тропарь канона Триоди.**

**Слава Тебе Боже наш, сла́ва Тебе. 2-й тропарь канона Триоди.**

**Слава Тебе Боже наш, сла́ва Тебе. 3-й тропарь канона Триоди.**

**Пресвятая Богородице спаси́ нас. Богородичен 1-го канона Триоди.**

**Слава Тебе Боже наш, сла́ва Тебе. 1-й тропарь иного канона Триоди.**

**Слава Тебе Боже наш, сла́ва Тебе. 2-й тропарь канона Триоди.**

**Слава Отцу и Сыну и Святому Дúху. Троичен Триоди.**

**И** ныне и присно и во веки веко́в. Амѣнь. **Богородичен 2-го канона Триоди.**

**Слава Тебе Боже наш, сла́ва Тебе. Ин тропарь канона Триоди, кир Феодора.**

**ИРМОС 2-ГО КАНОНА ТРИОДИ.**